

Pita tiratna outna timbiņ rapar

Outna kam

Na Pita ma gan timbiņ rapara tirrinanna, ma Iesusa ripacrena laiplacarta wiwitta makukar anikca mbukca eacrinanna, ritipaikmo moi gagarana. Na ma aindoprina, Iesusa ripacrena laiplacara mina Iesus Karaisna kam wembaņ laņna moca mac lamņiraņ. Na Iesus, ma menaca ma mac nda ņgeprina, na ma gaindta kam leacrina, ma nda kipnandet. Na mina an kam leacna moca mana nda kikipna ndabirena.

Na anna gidik, Iesusa ripacrena laiplacara makukara mbukrenan, na an reikca aind ndarurinanna, anna mina ritipaikca towaina larurina reik. Ainda moca mina gagraca ripaca taņņa Karaisna mac nda kikipna min mbuņa, mina ndorita katumna gagam laņa aņņinandet.

**Aia Raraņ Aetaniacna wiwitna
meikramtair gidkara laruri, na
aia tipemb kirarir laiņņa
moraņņa, te, aia aņņina reac
laņņa lambina**

(1.1—2.10)

¹ Na aku Pita, Iesus Karaisna up aņņirena ramoot. Na gan timbiņ rapara aku nemo

Raraŋ Aetaniacna meikramtaira pitrik Pontusan, na Galesianan, na Kapadosianan, na Esiananapa, Bitinianamo keker toca tamtamma loraca eacrenanna morinan.

² Na atu ŋgoinna Raraŋ Aetaniaca, ma Aet, na ma nenmo lamŋirinan, na ma nenmo larapaca ne mana meikramtaira larurinan. Na Ŋeroŋ Ratta nenmo muruŋa otacatke, ne ndorimo Raraŋ Aetaniac maneaŋgat, na ne rat malaruat. Te, ne Iesus Karaisna kammo wandoŋa raŋgaina. Na mana racaindpaikca nemo ru tukica, ne Raraŋ Aetaniacna lamniac ŋgoutta ne meikramtair rat ndarunandet. Te, ma nenmo kadmaica, nena iroar inkarmo moi wewettaca gagaraca laŋ ndeacnandet.

Iarwarna eteacna watta aimo tamuŋna auŋa lambica eacrenan

³ Aintik aia Raraŋ Aetaniacna imo aŋgi ŋgep, ma Raraŋ Aetaniac, na ma aina Kacoot Iesus Karaisna Aet. Na ma aina kakadmains opotac laŋ aniacap, na ma Iesus Karaismo muk iniknan mac nda moa ŋgepatna. Na an taup mbuŋa ma aimo iarwarna eteacna wat ŋgamma neaŋrinan. Na an iarwarna eteacna wat ŋgamma aimo moa gagraca, ma aimo neaŋ ndoprina reikta lambi taŋi minna tik te, ma aimo neaŋnande.

⁴ Na ma aimo larapacat tik, aia auŋ tamuŋna iarwarna eteacna wat aŋginandet. Na an watta ma mba ŋgocraiitndai. Na Raraŋ Aetaniacna lamniac ma rat ŋgoin, na ma mba maiitndai.

1:2 Ro 1.7, na 8.29, na 2 Te 2.13, na Ib 10.22, na 12.24, na 2 Pi 1.2

1:3 1 Ko 15.20, na 2 Ko 1.3, na Epe 1.3, na Ie 1.18 **1:4** Kol 1.5, na 1.12, na 2 Ti 4.8, na Ie 5.4

Na ne manapmo tamuŋna auŋ ndeac te, ma an iarwarna eteacna watta ma kocrorinanna, ma nenmo neaŋnandet.

⁵ Na ne Karaismo ripacrenan tik, Raraŋ Aetaniaca ma ndona gargar mbuŋa nenmo raupŋirena, te, ne laŋ ndeacnandet. Na ma nenmo mac nda aŋgina toŋgorenan, na nenmo eteac laŋ ndeacna. Na aimo mac nda aŋgina aiŋa ma mo ndoprinanna, anna aimo mac nda aŋgina aiŋa mamamaina ra mbuŋa larui raekca tiknandet.

⁶ Na aimo mac nda aŋgina aiŋa Raraŋ Aetaniaca mona morenan, ne an ndamŋireke, na ne toŋgorenan. Na mandebaitna kidrik motemma, ainta totowaiara laruca nenmo gigirar neaŋnandet.

⁷ Na an tipna kirar mbuŋa, Raraŋ Aetaniaca nena ritipaikmo towairenan. Na aia lamŋirena, gola, ma reac laŋ ŋgoin, na mina manmo tac mbuŋa rotacrenan, te, mina mamowatna, ma gol gidik ki, co wanaiŋ? Na nena ritipaikca ma golmo kundrina, na ma laŋ ŋgoin. Na gola ma ŋgocrairena reac. Aintik titocna totowaiara nenmo laru te, anna ma nena ritipaikca towairena, nenmo wandacna, ne Karaismo ripacrenan ŋgoin, ki? Na reik mamamaina ra, Iesus Karaisa laruca raekca tik te, ma nenmo toŋtoŋ ŋgoin, na ma nenmo i aniaca neaŋnandet.

1:5 In 10.28-29, na 17.11-15, na Iu 1.1 **1:6** Ro 12.12, na 2 Ko 4.17, na 6.10, na Ie 1.2, na 1 Pi 5.10 **1:7** Iop 23.10, na Ŋap 66.10, na ML 17.3, na Ais 48.10, na Sek 13.9, na Mal 3.3, na Ro 2.7, na 2.10, na Ie 1.3

⁸ Na ne manmo mba watreke, na ne manmo matjirenan. Na mandeaca ne manmo mba watreke, na ne manmo ripacrenan, na mammo tongorenan ngoin. Na an tojtongara gan tiacarpaikna tojtongarmo tamuŋmbai, na aia up mbuŋa mbopna minna wanaiŋ. Wanaiŋ ngoin.

⁹ Aintik ne Karaismo ripacrenan tik, Raraŋ Aetaniaca nenmo mac nda aŋgirena.

¹⁰ Na aimo mac nda aŋgina aiŋa nenmo mandeaca larurenanna, Raraŋ Aetaniacna kakadmaina opotacna kambta miniŋta moca, rambca morina ramtaira aiŋir anikapa opore mamoot, ri, mina aimo mac nda aŋgina aiŋna kambmo wiwitirena.

¹¹ Na Karaisna Ŋeroŋna rambca morina ramtairap eacri, na ma mina iroara mbukca minmo moca mina ndorita up mbuŋa gaidopatna, Karaisna titocna gigirar ma aŋgirenana, iŋmbaia ma i aniac aŋginandet. Ainda moca rambca morina ramtaira digirenana, "Tumbuitta tik te, aimo mac nda aŋgina ramootta kipit? Te, kaina reaca an kidrikca laruit?"

¹² Na Raraŋ Aetaniaca minmo mawandacat, an reikca mina mboprenanna, mina ndorita minna mba laruitndai. Na reikca Raraŋ Aetaniaca nenmo moca, nenmo mac nda aŋgina kamma mina anna ndoprena. Na mandeaca Raraŋ

1:8 In 20.29, na 2 Ko 5.7, na Ib 11.1, na 11.27, na 1 Io 4.20 **1:9** Ro 6.22 **1:10** Dan 2.44, na Aga 2.7, na Sek 6.12, na Mt 13.16-17, na 2 Pi 1.19-21 **1:11** Ŋap 22, na Ais 53, na Lk 24.26-27, na 1 Pi 3.19, na 2 Pi 1.21 **1:12** Dan 9.24, na Epe 3.10, na Ib 11.13, na 11.39-40

Aetaniaca Neronj Ratmo tamuŋna auŋnandmo, mbağirica irikrinan, na kam wembaŋ laŋmo wiwitirena ramtaira mina nenmo an reikca Raraŋ Aetaniaca morinanna kamb toprinan. Na Raraŋ Aetaniacna mbaiŋna aiŋa morena ɲerŋgaur toco, mina an reik laiŋga Raraŋ Aetaniaca nenmo morinanmo, mitoco anna landamɲi aŋgina toŋtoŋ aniacap.

Raraŋ Aetaniaca aimo rat ndeacna ɲgacrina

¹³ Aında moca ne ndorita iroara memetmbaca kocroca eacraŋ, na nena tataŋ, eteacmo matau bubuocraŋ. Na ne ritipac gargar moca Raraŋ Aetaniacmo lambi, ma nemo mo ndoprina kakadmaina opotacmo nenmo monandet, an minna Iesus Karaisa laru raekca tik te.

¹⁴ Na ne an kamma waracrena mombonikta kirar toc ndeacraŋ. Na atua ne iroar kocor, aintik ne iroar ɲgorikta toŋtoŋgara raŋgairenan. Na mandeaca ne an tipemb kirarirta toŋtoŋgarmo kai raŋgai teac, kari ɲgoin.

¹⁵ Na Raraŋ Aetaniaca ma nemo acrinan, na ma rat, na ma tip kirar laŋapa wandoik tiŋgikca morenan. Aintik ne mana kirara rat ndeacraŋ.

¹⁶ Aintik Raraŋ Aetaniacna timbigta kapca gaindoprinan, “Aku nena Raraŋ Aetaniac rat, na ne toco ratta eacraŋ, na tipemb kirarir laiŋga raŋgairan.”

Opoik aniac mbuŋa Raraŋ Aetaniaca aimo mac nda oikatna

1:13 Lk 12.35, na Ro 13.13, na 1 Ko 1.7, na 1 Te 5.6-8 **1:14** Ro 12.2, na Epe 2.3, na 4.17-18, na 1 Te 4.5 **1:15** 2 Ko 7.1, na Ib 12.14, na 2 Pi 3.11 **1:16** TN 11.44-45, na 19.2, na 20.7, na Mt 5.48

17 Na ne Raraŋ Aetaniacmo aca aindoprenan, “Ate.” Na an Aetta ma aina kabe, kabena tipemb kirarira ma lamŋirena, na ma aimo ritrirena. Aina moca aina kabe kabea morena tipembta kirarira ma watrena, na ma aimo muruŋa kirar kabemo ritrirena. Aintik ne memetmbaca gan tiacarpaikca eacraŋ te, ne gaimd ndamŋi, gan tiacarpaikca anna nena auŋ ŋgoinna wanaiŋ. Na memetmbaca ne Raraŋ Aetaniacmo torica rugdara moca mana kaŋgaur ŋgoin ndeacraŋ.

18 Na ne lamŋirina, atuaitta ne ndorita nicarta tipemb kirarirmo aŋgica raŋgairenan, na ma nenmo otac ŋgocor. Ri, Raraŋ Aetaniaca ma nemo mac nda oikca, nena an tipemb kirarirmo mo kecaririnan. Na ma nenmo gan tiacarpaikna ŋgocrairena reik, gol, co, silwa mbuŋa nda oikrinanna, wanaiŋ.

19 Ma nemo Karaaisna racaindpaik mbuŋa nda maoikat. Na an racaindpaikca ma kitukndukmo tamuŋmbai ŋgoin. Na Karaais, ma sipsipna moonuocna kirar, na mana tikca pitirapa, ndibembta ŋgeara mo ŋgocrai ŋgocor.

20 Na gan tiacarpaikca Raraŋ Aetaniaca mo laru ŋgocor, ma Karaismo larapaca ma aimo mac nda oikna aiŋa morinan. Na mandeaca gan tiacarpaikna mamaina raica aia eacrenan, Raraŋ Aetaniaca ma Karaismo raekca tikrinan, na ma

1:17 TW 10.17, na Mt 6.9, na Up 10.34, na Ro 2.11, na 2 Ko 5.6, na 7.1, na 2 Ti 4.14, na Ib 11.13, na 12.28, na KIEK 2.23 **1:18** Esi 20.18, na 1 Ko 6.20, na 7.23, na 1 Pi 4.3 **1:19** NA 12.5, na Ais 53.7, na In 1.29, na 1.36, na Up 20.28, na 1 Ko 5.7, na Ib 9.12-14, na 1 Pi 1.2, na KIEK 5.9 **1:20** Up 2.23, na Gal 4.4, na Epe 1.4, na 1.10, na Kol 1.26, na Ta 1.2-3, na Ib 9.26

aimo otacrinan.

²¹ Aintik ma nenmo otaca ne Raraŋ Aetaniacmo ripacrenan. Anna ma Karaismo mukca tikca mo ngepca, manmo i aniac maneaŋgat. Ainda moca ne Raraŋ Aetaniacmo ripacrenan, na mana momona baburina reik laiŋta lambirenan.

Aia aina laiplacarmo matŋiran

²² Na ne kam gidikmo matau ŋgoinna raŋgairi tik, an tipna kirar mbuŋa ne ndorimo ainda moatke, Raraŋ Aetaniacna lamniac ŋgoutmo rat ndarurina. Na Iesusa ripacrena laiplacar, ne minmo matŋiran. Aintik mandeaca ne gagaraca nikinik iroar laiŋgap minmo memetmbaca matŋiran.

²³ Na ne ŋgaib tarurinan, an wariŋ ŋgaibta amta reik garena kirarir toc. Na ne wariŋna mutocrena amta reik ŋgorikta lour puŋga mba laruritndait. Wanaiŋ. Ne amta reikca memetmbaca eacrena amta reikta lour puŋ tarurena. Na an wariŋna amna reac mutocrena loora, anna Raraŋ Aetaniacna kam, na ma eteacna watapna kam, na ma memetmbaca eacrena.

²⁴ Na Raraŋ Aetaniacna timbigta kapca gaindopatna, “Meikramtaira muruŋcamiŋa gan tiacarpaikca kidrik rocotta mba eacrenan. Na mina katgar toc tawi mairenan, na mina iremb anikca kokocara ruca irikrena kirar toc

1:21 In 14.6, na Up 2.24, na 2.33, na Ro 4.24, na 5.1-2, na 10.9, na Pil 2.9, na Ib 2.9, na 1 Pi 3.22 **1:22** In 13.34, na Up 15.9, na Ro 12.9-10, na 1 Ti 1.5, na 2 Pi 1.7, na 1 Io 3.18 **1:23** In 1.13, na Ib 4.12, na Ie 1.18, na 1 Io 3.9 **1:24** Ŋap 103.15, na Ais 51.12, na Ie 1.10-11 **1:24** Ais 40.6-8

ngirikrenan. Na ne lamñirenan, katgara mina gururenan, na kokocara mina ruca irikrenan.

²⁵ Na Kacootna kamma ma iarwar ndeacrena.” Na an kamma anna an kam wembanj laja mina nenmo wiwitiatnan.

2

Kacootta ma wautna wit lajna kirar

¹ Na ne meikramtaira ngaib tarurinan, aintik ne nikkakatapa, paparuna kamb ndoprenanapa, paparuna tipemb kirarirmo, muruñcamiña tikcari. Na kabena meikramtairmo injmbai ndondopapa, kabena ramootna reacmo lamniac mbuñja watca anjina iroapmo, anna ne tikcari.

² Na aia lamñirenan, moonnuoc tekernoc, ma mir gagamna tonjon ngoin. Na an kirar kabea ne Raranj Aetaniac ndiña kiprina mirmo, ne tonjoca anjiranj. Na reac ngoreac ianna anna mba eacrenan. Na ainta mirca ma nenmo otaca, nena ñerñgaurapa eteacna wat ngamca, moi acnainandet, na mamogargara neañca, ne Raranj Aetaniacmo meikramtair ngaibca taru te, manap eteac laja eacnande.

³ Na Kacootta aimo ndiarna tipemb kirarira morinan, na mandeaca ne mana tarara ne mir toc ngambrinan, na ne lamñirenan, Kacootta ma lañ ngoin.

1:25 In 1.1, na 1.14, na 1 Io 1.1-3 **2:1** Epe 4.22, na 4.25, na Kol 3.8, na Ib 12.1, na Ie 1.21 **2:2** Mt 18.3, na Mk 10.15, na 1 Ko 3.2, na 14.20, na Epe 4.15-16, na Ib 5.12-13 **2:3** Ñap 34.8, na Ib 6.5

⁴ Na Kacootta ma eteacna watapna kaca morena ikna kirar, aintik ne man ndambuņa taņ. Na meikramtaira manmo reac ngoreac toca watca mina manmo mo kecaririna, na Raraņ Aetaniaca manmo larapaca manmo watrina, ma laņ.

⁵ Na ne toco, ne an kaca morena eteacna watapna ikna kirar, na Njeronj Ratna gargar mbuņa Raraņ Aetaniaca nen mbuņa mana kaca moa taņraņnande. Ainda moca ne Raraņ Aetaniacna larapacrina taup ndamtairta wiwit toc ndeacnandet. Na Iesus Karaisna i mbuņa ne ndorita eteacna watmo gimbam toca Raraņ Aetaniacmo neaņ.

⁶ Na Raraņ Aetaniacna Timbigta Kapca Raraņ Aetaniaca aindoprina, “Ne warac. Aku kacna wit ianna larapacrinan, na ma kacmo mo gagrana wit paņan. Na an witta ma gargar ngoin, na ma laņ ngoin. Na mandeaca aku manmo, Saion takura tikrina. Aintik meikramtaira manmo, ripacrenan, mina numbira mba aņgiitndai.”

⁷ Ainda moca ne an ripacrena meikramtaira, Karaisa ma wautna wit laņ ngoinna kirar. Na an ripac kocorta meikramtair, mina aindoprina,

“Gan kaca morena wautmo
ramtaira anmo ngoreac ndopca,
aņgira roumbmbai nakecarica eacrena
wautta,

2:4 Njap 118.22, na Ais 28.16, na Mt 21.42, na Up 4.11 **2:5** NA 19.6, na Ais 61.6, na Osi 14.2, na Mal 1.11, na Ro 12.1, na Epe 2.21-22, na Pil 4.18, na Ib 13.15-16, na KIEK 1.6 **2:6** Ais 28.16, na Ro 9.33, na Epe 2.20 **2:7** Njap 118.22, na Mt 21.42, na Up 4.11

mandeaca ma kacna witta moca
pañanmbaia witik gagraca kaca mbukca
eacrenan.”

⁸ Na Rarañ Aetaniacna timbigta kap toco aindopatna, “An ikca ma laruca mina taup mboracri, na mina an ikmo aoca latac te, mina ñgocrainandet.” Mina Rarañ Aetaniacna kammo nda mboprenan tik, mina an ikmo aoca lataca irikrenan. An tipna kirara atua Rarañ Aetaniaca mboprina.

⁹ Na nenmo ma larapacrinan, na ne mana meikramtair koind. Na ne gagrirta ramootna taup ndamtair. Na ne rat ndeacrena meikramtairta wiwitnan, na ne Rarañ Aetaniacna meikramtairta wiwit ñgoin. Na Rarañ Aetaniaca nenmo ndo ñgoinna larapacrina meikramtairta wiwitnan, te, ma nenmo morina tipemb kirarir lainga nenmo morinanna kamb ndopna. Te, ne neupa eacrinanapa, ma nenmo neupa tikca anğica ma ndona memetaca larurina kam ndopna. Na an memetaca anna lañ ñgoin.

¹⁰ Na ñgaua ne meikramtair wanaiñ ndeacrenan, na mandeac ne mana meikramtaira larurinan. Na atuaitta ne Rarañ Aetaniacna kakadmaina opotaca ne mba anğiatke, na mandeaca ne mana kakadmaina opotacmo anğirinan.

2:8 Ais 8.14-15, na Up 4.11, na Ro 9.22, na 9.33, na 1 Te 5.9 **2:9** NA 19.5-6, na TW 4.20, na 7.6, na 14.2, na Ais 9.2, na 40.20-21, na 43.20-21, na In 17.19, na Up 20.28, na 26.18, na Epe 5.8, na Kol 1.13, na Ta 2.14, na 1 Pi 2.5 **2:10** Osi 1.9-10, na 2.23, na Ro 9.25

Kabena meikramtairmo aia mina rikmo wandoņa taņraņ

(2.11—3.22)

*Aia Raraņ Aetaniacna mbaiņņa aiņa morena
meikramtairta kirara eacraņ*

11 Na aukna aikndamtair koind, ne gan tiacarpaikca eacrinanna, ne kabena auņņa meikramtair toco eacrenan, na ne keker toca loraca eacrenan. Ainda moca aku nenmo gaind mambopek, ne an atuna nena tikna iroar bagrarmo iņ neaņ, an tipemb kirarira nena ņeņgaurmo ruņrenan.

12 Na an ripac ņgocorta raekmbaina meikramtairta rikmo, ne wandoņa taņraņ. Na mina nemo kam ņgoreac ndop te, iņmbaia mina nena morina tipemb laiņa watca, Raraņ Aetaniacna ritri waparacna ra laru te, mina Raraņ Aetaniacna imo aņģi ņgepnandet.

13 Na ne Kacootmo lamņiraņ, na gan tiacarpaikna ramtair paņaindapa, titocna gagrirta ramtair paņainda, mina nenmo outta eacrenan, ne mina kaņgaukna bubuoca eacraņ. Na ne mina kamma raņgairaņ.

14 Na ne pitrik waņņa ramtair paņainda kam motoco raņgairaņ. Na Kacootta ma toņgorena. Na an ramtairmo, gagrirta ramoot paņanna minmo larapaca mina meikramtairta tipemb ņgorikca morenanmo wandoņairena, te,

2:11 1 Nin 29.15, na ņap 39.12, na Ro 13.14, na Gal 5.17, na 5.24, na Ib 11.13, na Ie 4.1 **2:12** Mt 5.16, na Lk 19.44, na Ro 12.17, na 2 Ko 8.21, na Pil 2.15, na Ta 2.8 **2:13** Mt 22.21, na Ro 13.1, na Ta 3.1

meikramtaira tipemb kirarir lainga morenanmo, mina irembmo anđi ngepnan.

¹⁵ Aintik Rarađ Aetaniaca tonğorenanna, ne tipemb kirarir lainđ tingikca morañ te, an iroar kocorta meikramtaira nenmo kamb nğorikca mboprenan, ne mina upembmo mboracnande.

¹⁶ Na ne tuombta ainđir kamnderta meikramtairta kirara tađrađ. Na ne gaimda kai lamđi teac, “Mandeaca ne tuombta ainđir kamnder tocna meikramtaira wanainđ.” Na ne tađga tipemb nğorikca morañ. Wanainđ. Na ne Rarađ Aetaniacna ainđna ramtaira tađrena kirara tađrađ.

¹⁷ Na ne kabena meikramtairmo tipemb kirarir lainga morañ, na Iesusa ripacrena laiplacarmo ne minmo matđirađ. Na ne Rarađ Aetaniacmo torirađ, te, mana kađgaucaca eacrađ. Na ne gagrirta ramoot pađanmo i aniaca neađrađ.

Aia Karaisna tipemb kirarira ranđaica gimirara mbukna

¹⁸ Na ne tuombta ainđir kamndera morena meikramtair, ne nena bubuocrena ramtairta kađgauc ndeacrađ, te, mina kambmo matau nğoinna ranđairađ. Na aku an ramtair pađaind lainđ tingikca mba mboprenan, mina nenmo bubuocreke wetwetta tikca morenanmo. Wanainđ. Na an ramtair pađaind nğorikta kađgauc motocmo ne eacrađ.

2:15 Ta 2.8, na 1 Pi 2.12, na 3.16 **2:16** 1 Ko 7.22, na Gal 5.1, na 5.13 **2:17** ML 24.21, na Mt 22.21, na Ro 12.10, na Pil 2.3, na Ib 13.1, na 1 Pi 1.22 **2:18** Epe 6.5, na Kol 3.22, na 1 Ti 6.1

19 Na anna gidik, ne Raraŋ Aetaniacmo wat-carica ma nena iroarmo tiŋara mo, na ne aiŋa mo, na mina nenmo gigirara wanaiŋ neaŋrenan, na ne anna makukara mbukrenan, te, an tipna kirarmo Raraŋ Aetaniaca ma toŋgorenan.

20 Na ne tipemb ŋgorikca mo te, na mina nenmo pi te, na ne an makukarmo mbuk te, ne anmo kainta reik aŋgiit? Ainda moca ne tipemb kirarir laiŋa moa, na mina nenmo pi te, na ne anna makukara aŋgi te, Raraŋ Aetaniaca an tipemb kirarirmo ma toŋgorenan.

21 Na Raraŋ Aetaniaca ma nenmo an tipemb kirarira raŋgaina maacat, na anna gaind, Karais toco nen ŋgotacna girgirmo ma mambukat. Na ma nenmo ndona tipemb kirarirmo wandacrinan, te, ne anna raŋgaina.

22 Na ma tip ŋgoreacna makuk ianna mba mori, na ma paparuna kam ian toco mba mbopri.

23 Ri, mina manmo kamb ŋgorikca mbopri-nan, na ma mina kamb ŋgorikmo mba nda rutica mbopatke. Wanaiŋ. Ma ndomo Raraŋ Aetaniacna para tikrinan, na ma ndo an reikmo muruŋcamiŋa wandoŋ ŋgoinna ritri waparaca morena ramoot.

24 Na Karaisa ma ndomo ik naaŋgiaca kera-ca aina tipemb ŋgorikta makukarta moca ma ndona tik mbuŋa mbukrina. Na ma ainda moca aia ndorita tipemb kirarirta tipemb

2:20 1 Pi 3.14, na 3.17, na 4.14-15 **2:21** Mt 16.24, na In 13.15, na Up 14.22, na 1 Pi 3.18, na 1 Io 2.6 **2:22** Ais 53.9, na In 8.46, na 2 Ko 5.21, na Ib 4.15 **2:23** Ais 53.7, na Mt 27.39, na In 8.48-49, na Ib 12.3, na 1 Pi 3.9 **2:24** Ais 53.5, na Ro 6.2, na 6.11, na 7.6, na Ib 9.28

ngorikta makukarmo kocnai tikcarinandet, te, aia eteacna watap eac, na tipemb kirarir wandoik koinda ranğairan̄na. Na mina manmo ngoreac ngoinna pirinan, na an gıgirara ma anğiatnan mbun̄a, ma nenmo mac moa lan̄a morina.

²⁵ Na ne murun̄camın̄a sipsipara tamtamma tan̄rena kirar toc ndeacrinan. Na mandeaca ne an Sipsiparta Nğinan̄a Morena Ramootta nena n̄er̄nğaurmo mataua raup̄n̄irenan ndambūna mac nda makiprina.

3

Lan̄tanğona meikramtairta kam

¹ Aintik an tipna kirara ne lan̄tanğona meikpitik, ne ndorita kan̄terta kan̄gauk ndeacran̄. Na nena kan̄terta ndeida Raran̄ Aetaniacna kammo ranğai ngocor te, mina nena tipemb kirarir lan̄ga wat te, na ne minmo kam ianna mbop ngocor, mina ndorita nikinik iroarmo ngetrikinandet.

² Na an kidrikca mina watrina, ne meikpitikca ne wandoikca tan̄renan, na ne mina kan̄gaukca eacrenan.

³ Na ne ndorita tikemb tin̄gikmo kai mataua lamboi golnanapa lamboi lan̄ aoc, co, pañaindta lakoarmo lanap.

⁴ Na ne ndorita nikinik iroarmo an ngocrai ngocorta lamboimo aoc, anna lan̄. Na ainta

2:25 Ais 53.6, na Esi 34.5-6, na 34.23, na Mt 9.36, na In 10.14, na Ib 13.20 **3:1** Mt 18.15, na 1 Ko 7.14-16, na Epe 5.22, na Kol 3.18, na Ta 2.5 **3:3** 1 Ti 2.9, na Ta 2.3 **3:4** Nğap 45.13, na Ro 7.22, na 2 Ko 4.16

lamboia anna nikinikmo laŋapa, nikinik iro wetwet eacrena tipna kirar. Na an tipna kirara Raraŋ Aetaniacna lamniacmo laŋ ngoin.

⁵ Na an tipna kirara atuna meik ratta ndorita lambirena ritipacmo Raraŋ Aetaniaca tikrenan, te, mina lamboia mina wapat laŋa wandacrenan. Na mina ndorita kaŋterta kaŋgaukca eacrenan.

⁶ Na anna kirara Sara, ma Abraammo ndona kacoot ŋgacrena. Na ne tipemb kirarir laiŋga morenan, na ne reac ianna mba nanambirenan, ne ainda mo te, ne Sarana mombonik tarunan-det.

⁷ Na ne laŋtaŋgona ramtair, ne an tip kirar kabemo, iroar laiŋ rangai te, ne ndorita meikap matau eacraŋ. Na meikpitikta tikembca gagrar kocor, aintik ne minmo tipemb laiŋga moran. Ainda moca ne lamjirenan, mitoco an kakad-maina opotacapa, iarwarna eteacna wat toco aŋginande. Na ne ainta tipembta kirarira rangai te, reac ianna nena mbembendeimo mba mo ŋgocraitndait.

Memetmbaca aia kabena meikramtairmo tipemb kirarir laiŋga moran

⁸ Na mandeaca aku an kammo gainda maina mamoeŋ, ne muruŋcamina nikinik iro kabe eac te, ne Iesusa ripacrena laiplacarmo gidik ŋgoinna matjiraŋ, na ne kabena meikramtairmo kadmairaŋ, na paŋan garurna tipemb kirarirmo tikcari.

3:5 RL 18.12 **3:7** 1 Ko 7.3, na 12.23, na Epe 5.25, na Kol 3.19, na 1 Te 4.4 **3:8** Mt 5.44, na Ro 12.10, na Pil 3.16, na Kol 3.12, na 1 Te 5.15, na 1 Pi 2.17, na 2.23

⁹ Na meikramtaira nemo tipemb ngorikca mo te, ne minmo kai ruti teac. Na mina nemo kamb ngorikca mbop te, ne an motocmo kai ruti teac. Na ne gainta tip kirar mbuņa gainta ruti, ne Raraņ Aetaniacmo mbendeica ma minmo laņa mo. Na Raraņ Aetaniaca nemo aında mona acrinan, te, ne mana opotac laņa ne aņņinandet.

¹⁰ Na aia lamņirena,

“Mandaia ndona eteacna watmo, laņa eacna mo te,

na ma eteac laņa watna,
ma kamb ngorikca kai mbop teac,
na ma paparuna kambca kai mo teac.

¹¹ Na ma tipemb ngorikmo iņ neaņ,
na ma tipemb laiņ tiņgikca raņgairañ.
Na ma kabena meikramtairmo nikinik iro wetwet kabeap eacraņ,
na an tipemb kirarirmo ma gagraca raņgairañ.

¹² Na Kacootna lamņiaca ma meikramtair wandoikta watrenan,
na ma mina mbembendeimo, koar tikca waracrenan.

Na meikramtaira tipemb ngorikca morenan,
ma minmo mba tonņorenan.”

Na tipemb kirarir laiņa aia morenanna aia mana giņgira aņņinandet

¹³ Na ne tip kirar laņa towai gagraca raņgai te, mandaia ndo nenmo tip kirar nņoreaca moit?

3:9 Mt 25.34, na Ro 12.14, na 1 Te 5.15 **3:10** Ie 1.26, na 1 Pi 2.1, na 2.22 **3:10** Nņap 34.12-16 **3:11** Ais 1.16-17, na Ro 12.18, na Ib 12.14 **3:12** In 9.31 **3:13** ML 16.7, na Ro 8.28

14 Na ne tipemb kirarir wandoik lainga mo te, na ne mana makukca angî te, ne anna tonjo. Na mina nenmo nanambina reac ianna mo te, ne kai rugut mo teac. Na nena nikinik iroar kai ngep ngoreac nanjep teac.

15 Aintik nena iroar inkara ne Karais niŋgikmo tikca eacraŋ, ma nena Kacoot. Na mina nenmo an reac laŋa ne anna lambirena mininŋa digi te, ne anna rutina kammo memetmbaca kocroca eacraŋ.

16 Ainda moca ne mina kammo nda rutina mo te, ne iro wetwet mbuŋapa, tip kirar laŋ mbuŋa mo. Ainda moca ne memetmbaca Raraŋ Aetaniacna lamniacmo wandoŋ laŋ ngoinna eacraŋ. Te, mina nenmo kam ngoreacapa, nenmo pepere te, an ramtaira mina nenmo Karaisna raŋgairina tip kirar laŋna moca nemo peperenan, na mina mboprena an kambta moca mina numbir aŋginandet.

17 Na aia tip kirar laŋa morenanna, Raraŋ Aetaniaca aimo anna girgir aŋgina tonjo te, anna laŋ. Na aia morena tip ngoreacna girgir aŋgi te, anna reac ngoreac.

Karaisa menaca ma nda ngepca aimo mac nda aŋgina

18 Na ne Karais motocmo lamŋi. Ma ramoot wandoŋ, na ma meikramtair ngorikta taup aŋgica menaca tipemb ngorikta makukara mo

3:14 Ier 1.8, na Mt 5.10, na Ie 1.12, na 1 Pi 2.20, na 4.14 **3:14** Ais 8.12-13 **3:15** Up 4.8, na Kol 4.6, na 2 Ti 2.25 **3:16** Ta 2.8, na Ib 13.18, na 1 Pi 2.12 **3:17** 1 Pi 2.20 **3:18** Ro 5.6, na 6.10, na 8.11, na 2 Ko 13.4, na Epe 2.18, na Kol 1.21-22

kecaririnan, na nenmo aŋgica Raraŋ Aetaniac ndambuŋa taŋna. Aintik ma kidrik kabe niŋgikca menacrina, na ma mba mac menacit-ndai. Na gan tiacarpaikmo ma ramootna kirar toca eacrinan, na mina mammo mo menacatna. Na ma nda ŋgeprina, na ma ŋeroŋ toca eacrenan.

¹⁹ Ainda moca ma ŋeroŋ ndeacri, ma taŋca ŋerŋgaura kac ŋgoreaca eacrenanmo kam wi-witirinan.

²⁰ Na an ŋerŋgaura mina kammo Noanna min mbuŋa Raraŋ Aetaniacna kambmo nda mbopatnan. Na Noanna minna tip ŋgoreaca aniaca larurinan, na Raraŋ Aetaniaca ma mba tawia ruti-atke. Ma lambica taŋga Noa, ma ndona laŋgummo moa mai-atke. Na witca wanaiŋ, meikramtaiŋ parmbaiapa mbutrem mbonkac tiŋgikca mina laŋgumma ŋgabukca laemb aniaca minmo aŋgica taŋri, na Raraŋ Aetaniac minmo nda aŋgica, mina laŋ maeecat.

²¹ Na an pukca ma kitac pukca pocpocrina, na ainta taupca Raraŋ Aetaniaca nenmo kitac puk mbuŋa nda aŋgirenan. Na kitac pukca ma nena tikna patiŋa mataunanna wanaiŋ. Anna ne Raraŋ Aetaniacmo digica ma nenmo moca ne iroar inkara laiŋga mana lamniaca ŋgout ndeacna. Na nenmo mac nda aŋgina moca Karaismo mukca tikca mac nda aŋgica ŋgepatnan.

²² Na mandeaca Karaisa tamuŋna auŋ mac

3:19 RL 6.1—7.24, na 8.18, na Ib 11.7, na 2 Pi 2.5 **3:21** Ro 10.10, na Epe 5.26, na Ta 3.5, na Ib 10.22 **3:22** Njap 110.1, na Mt 22.44, na Ro 8.34, na 8.38, na 1 Ko 15.24, na Epe 1.20-21

nda tanrinan, na ma Raraŋ Aetaniacna par umbaiia mbiraca eacrenan. Na mbaijna aiŋa morena ɲeɲgaurapa, gargar anikapna ɲeɲgaur, na gargarapna reikca mina muruŋa mana kaŋgaukca eacrena.

Totowai aniaca ritipacna laiplacarmo laruca mina girgir aŋgiatna

4

(4—5)

*Aia nikinik iroar bagrarta iroarmo
ndarekrekke*

¹ Na Karaisa ma ndona tikna girgir aniaca aŋgiatna, aintik ne toco an iro kabea ma aŋgiatnanmo, ne an iro motocmo utiŋ gagara. Ainda moca nena ianna ndona tikna girgir aŋgi te, ma tiŋ ɲgoreacna makukna tiŋ kirara ma tikcaririnan.

² Na an minna ne tik mbuŋa eacrena, ne iro bagarna toŋtoŋmo mba raŋgaiitndai. Wanaiŋ ɲgoiŋ. Ne Raraŋ Aetaniacna iro niŋgikca raŋgainandet.

³ Na ne nikinik iroar bagrarta tiŋpemb kirarirmo raŋgaica moa taŋtaŋa minna matikri, na an tiŋpemb kirarira ritipaik kocorta raekmbaina meikramtaira toŋgorenan ɲgoiŋ. Na an tiŋpemb kirarira meikramtaira morenanna, anna tiŋpemb ɲgadudukarapa, nikinik iroara

4:1 Ro 6.2, na 6.7, na Gal 5.24, na Kol 3.3-5 **4:2** In 1.13, na Ro 6.11, na 2 Ko 5.15, na Gal 2.20, na 1 Io 2.16 **4:3** Up 17.30, na Epe 2.2-3, na 4.17, na Ta 3.3

moa ŋgepca reik ŋgorikca morenan, na puik gagrara amba ŋaŋaorena tipemb kirarirapa, runduik anikca morenan, na amtiambca moca amta reik anikca ambrenan, na puik gagrara amba tipemb kirarir ŋgorikca morenan, na Raraŋ Aetaniacna tipemb kirarirmo ndarenan, na mirpembraraiŋmo mbendeirenan.

⁴ Na mandeaca ne an tipemb kirarira an ritipaik kocorta meikramtairapa mba morenan. Na mina anna moca ŋgep ŋgoreac naŋgepca nenmo peperena kamb ŋgorik toprenan.

⁵ Aintik iŋmbaia mina ndorimo ritri waparaca witik te, mina ritri waparac aniacna ramootna outta witikca ndori moatna reikmo manmo mbopnandet. Na an ritri waparacna ramoot, ma kocroca an menacrinanapa, menac kocorta meikramtairta tipemb kirarirmo ritrinandet.

⁶ Aintik anna miniŋna moca an menacrina meikramtaira mina menac ŋgocor ndeacri, mina kam wembaŋ laŋa mina waracrinan. Na anna gidik, mina menacrinan, an kirara meikramtaira muruŋa tipemb ŋgorikta makukara morenanna mina menacrenan. Na mandeaca mina iarwarna eteacna wat aŋgica mina ŋerngaurta kirar toco eacnande, na an kirara Raraŋ Aetaniaca eacrena.

Raraŋ Aetaniaca aimo wanaiŋa neaŋrina reik laiŋga aia matau aiŋa moraiŋ

⁷ Na reikta mamaina kidrikca kipca marambunairi. Ainda moca ne kai ŋaŋao teac, ne

4:4 Up 13.45, na 18.6, na 1 Pi 3.16 **4:5** Up 10.42, na 17.31, na 1 Ko 15.51-52, na 1e 5.9 **4:6** Ro 8.10, na 1 Ko 5.5 **4:7** Mt 24.13-14, na Lk 21.34, na Ro 13.11-12, na 1 Ko 10.11, na Pil 4.5, na Kol 4.2, na 2 Pi 3.9, na 1 Io 2.18

ndorita tipemb kirarirmo matau raupņi, te, ne matau mbendeinandet.

⁸ Na ne Raraņ Aetaniacna meikramtairmo matņirena tipemb kirarirmo, matau utiņa gagra. Na kabena meikramtairmo matņirena tipna kirara ma tipemb ņgorikta makukar witmo, mo irikrenan, na ma kabena tip kirarmo kundrena.

⁹ Na Raraņ Aetaniacna kabena meikramtaira nenap kipi eac te, ne minmo matau ņgoinna raupņi. Na ne an aiņa mo te, ne kai kekelamun ke teac.

¹⁰ Na Raraņ Aetaniac ma nenmo kabe, kabemo, kadmaica ma nenmo ndona kakadmaina opotaca wanaiņa neaņrenan. Ainda moca ne kabe, kabea mana aiņa ramoot laņ ndeacraņ te, Raraņ Aetaniacna meikramtair damarmo, ma nenmo wanaiņa neaņrina kakadmaina opotaca minmo an mbuņa otacraņ.

¹¹ Ainda moca ramoot ianna ma kam wembaņ laņ wiwitina kakadmaina opotacna reac laņa wanaiņa aņgi te, ma an mbuņa kam wembaņ laņmo wiwitiraņnandet. Na ramoot ianna ma kabena meikramtairmo otacrena aiņa mo te, ma an aiņmo Raraņ Aetaniaca manmo neaņrina gargar mbuņa morai. Te, an reikca ne muruņa morenanna, meikramtaira an mbatnandet, na Iesus Karaisna i mbuņa mina Raraņ Aetaniacna i aniacmo aņgi ņgepnandet. Na ma i aniacapa, gargarap memetmbaca iarwara eacraņnandet.

4:8 ML 10.12, na 1 Ko 13.7, na Kol 3.14, na Ib 13.1, na Ie 5.20, na 1 Pi 1.22 **4:9** 2 Ko 9.7, na Pil 2.14, na Pm 1.14, na Ib 13.2

4:10 Ro 12.6-8, na 1 Ko 4.1-2, na 4.7, na Ta 1.7 **4:11** 1 Ko 3.10, na 10.31, na Epe 5.20, na 1 Pi 5.11, na KIEK 1.6

Na anna gidik.

Na Karais anġirina ġirġir tocmo aia tonġoca anġiran

¹² Ne aukna aikndamtair koind, tac točna totowai ianna nenmo larurenan. Na ne kai nġep nġoreac nanġepca gainda kai lamġi teac, anna reac dam nġoinna nenmo larurenan. Wanain nġoin.

¹³ Na an minna Karaisa anġiatna ġirġira, ne toco anġirinan, aintik ne tonġoraġ. Ainda moca Karaisna i aniacapa gargar aniac laruca raekca tikrina, na ne tonġoraġ aniac nġoinna monandet.

¹⁴ Na ne Karaisna imo, ne utiġga eacrenan, na anna moca mina nemo kam nġorik top te, ne tonġoraġ. Ainda moca ne lamġirenan, Raraġ Aetaniacna Neronġa, ma i aniacapa gargar aniacapna Neronġa, na ma nenap eacrenan.

¹⁵ Aintik ne ndorimo matau wat, moca mina nenmo ġirġirar neaġ nari, moca ne ramoot ianna mo menacri, co, reik makimrina, co, ne kabena tipemb nġorikca mori, co, ne kabena meikramtairta aiġmo ndiaġga anġirinan.

¹⁶ Na ramootta Karaisna meacramoot ian ndaru te, na anna mininġa moca ma ġirġir anġi te, ma anna moca numbira kai mo teac. Wanain, ma an i, Karaisnandna moa ma tonġoraġ, na Raraġ Aetaniacna imo anġica nġeparaġ.

4:12 1 Ko 3.13, na 1 Pi 1.6-7 **4:13** Up 5.41, na Ro 8.17, na 2 Ko 1.7, na 2 Ti 2.12, na Ie 1.2, na 1 Pi 1.5-6, na KIEK 1.9 **4:14** Nġap 89.50-51, na Mt 5.11, na 2 Ko 12.10, na Ie 1.12, na 1 Pi 2.20
4:15 1 Te 4.11, na 1 Ti 5.13, na 1 Pi 2.20 **4:16** Up 11.26, na Pil 1.20

17 Na Raraŋ Aetaniacna ritri waparacna ra kipca laru te, aia mana meikramtaira ma aimo ritri waparaca monande. Na an ritri waparaca aimo outta laru te, ma titoca tikca an Raraŋ Aetaniacna kam wembaŋ laŋmo ndarena meikramtairmo moitndai?

18 Ainda moca Raraŋ Aetaniacna timbigta kapca aindoprinan, “Meikramtair wandoik laiŋmo mac nda aŋgina owai te, an meikramtaira Raraŋ Aetaniacmo iŋ neaŋrenanapa, tipemb ŋgorikta makukara morenanmo tida moit?”

19 Ainda moca Raraŋ Aetaniacna tonŋton mbuŋa ramtair ndeida girgir aŋgi te, an ramtaira ndorita iarwarna eteacna watmo mana para tik te, mina tipemb kirarir laiŋ tingikca moran. Na Raraŋ Aetaniaca ma ndo aimo morinan, aintik memetmbaca ma aimo mataua raupŋirenan.

5

Na ne ramtair paŋainda ne Raraŋ Aetaniacna meikramtairmo matau raupŋiran

1 Na mandeaca aku Iesusna ritipaikta meikramtairta tumnambta ramtair paŋaindmo kam gargarap. Na auk toco, aku nen tocna ramoot paŋan, na aku ndona lamniac mbuŋa watrinanna, Karaisa ma girgir aŋgiatnan. Aintik aukapa, nenapmo Raraŋ Aetaniaca aimo muruŋa aŋgi ndoprina reik laiŋga, ma aimo

4:17 Ier 25.29, na Mal 3.5, na Lk 10.12-14, na 23.31, na 2 Te 1.8

4:18 ML 11.31, na Lk 23.31 4:19 Ŋap 31.5, na Lk 23.46, na 2

Ti 1.12 5:1 Up 1.8, na 1.22, na Ro 8.17-18, na KIEK 1.9

nean̄nandet, na Karaisna i aniacapa gargara raek ndaru te, ma nean̄nandet. Aında moca aku nenmo ramtair pañaindmo mo n̄gepca ne aiñmo aında monan.

² Aintik ne Rarañ Aetaniacna meikramtairmo matau raupñi. Na mina sipsipna kirar toco nena paira eacrenan. Aintik ne an aiña momona kabena ramtairta toñtongara kai rangai teac, ne an kirara Rarañ Aetaniaca nemo mona toñgorenanna rangairañ. N̄arikca ne kabena meikramtairta toñtoña rangai an aiña moca kituknduk niñgik an̄ginan. Wanaiñ. Ne an aiña momona toñtoñ aniacap morañ.

³ Na ne kai ramtair anikta kirara moa an meikramtairmo, Rarañ Aetaniaca nena para tikrinanmo an̄gica pikinna tikna. Wanaiñ. Ne tipemb lain̄ tiñgikca morañ, te, mina an mbatca rangairañna.

⁴ Na ne aında mo te, an minna Sipsiparta N̄ginaña Morena Ramoot Pañanna raekca laru te, ne outta katumma ootca an̄girena reac laña ne an̄ginandet. Na an reac laña ma iarwar ndeacrañnande, na ma mba n̄gocrairena.

Aia ndorimo Rarañ Aetaniacna para tik

⁵ Aında moca ne ramtair n̄gaibca ne ramtair pañaindta kan̄gaukca eacrañ. Na ne meikramtaira muruña pikinna eacrena tipna

5:2 In 10.11-13, na 21.15-17, na Up 20.28, na 1 Ko 9.17, na 1 Ti 3.3, na 3.8, na Ta 1.7, na 1.11, na Pm 1.14 5:3 N̄ap 74.2, na 1 Ko 3.9, na 2 Ko 1.24, na Pil 3.17, na 1 Ti 4.12, na Ta 2.7 5:4 1 Ko 9.25, na 2 Ti 4.8, na Ib 13.20, na 1 Pi 1.4 5:5 ML 3.34, na Ais 57.15, na Epe 5.21, na Pil 2.3, na Ie 4.6

kirara ranğaica, ndorimo Raraŋ Aetaniacna meikramtaırta kaŋgaukca eacraŋ. Na aia lamŋirenan, “Meikramtaıra ndorita irembmo aŋgıra ŋgeprenanmo, Raraŋ Aetaniaca minmo aŋgıra irikrenan. Na an meikramtaıra ndorita irembmo aŋgi irikrenanmo, ma minmo kadmaıca minmo tiŋ kirar laŋa morenan.”

⁶ Aında moca ne ndorita iroarmo, mo irikca Raraŋ Aetaniacna raupŋina gargar aniacna kaŋgauk ndeac. Na ma ndo larapacatna kidrikca laru te, ma nenmo aŋgi ŋgepnandet.

⁷ Na Raraŋ Aetaniaca ma nena moca kadmaıreana. Aında moca makukara ne muruŋa mbukrenanmo, ne mana para tiŋ.

⁸ Na ne kai ŋaŋao teac. Nena puŋdamoot, Paparuna Ramootta, ma laionna kirara kamb anıkca keca meikramtaır amna oreca taŋrena.

⁹ Aıntik ne ripac gagraca witıkca manmo ndaraŋna. Na ne lamŋirenan, nena Iesusa ripacrena laıplacara gan tiacarpaıkca tamtam ndeacrenan, mitoco ainta giŋırara aŋgırena.

¹⁰ Na Raraŋ Aetaniaca ma kakadmai muruŋna miniŋ. Na ma nenmo Karais Iesus mbuŋa acrinan, te, ne mana memetacna tac aniacna iarwar ndeacrenanna, ne manap eacnande. Aıntik ne giŋırrarmo kidrik matıŋ motemma aŋginandet, te, iŋmbaıa ma ndo ŋgoınna, nenmo laŋ mac monandet, na nena

5:6 Mt 23.12, na Lk 14.11, na 18.14, na Ie 4.10 **5:7** Ŋap 37.5, na 55.22, na Mt 6.25-30, na Pil 4.6 **5:8** Lk 22.31, na 1 Te 5.6, na KIEK 12.12 **5:9** Up 14.22, na Epe 6.11-13, na 2 Ti 3.12, na Ie 4.7 **5:10** 2 Ko 4.17, na 1 Te 2.12, na 2 Te 2.17, na 1 Ti 6.12, na Ib 13.21, na 1 Pi 1.6

ritipaikmo moi gagranan, na nenmo moca ne iarwara witikca gagaranandet.

¹¹ Na ma ndo kabe ningikca iarwarna gargarap eacranandet. Na anna gidik.

Kamb tipemb ndeid

¹² Na Sailasna opotac mbuņa aku gan timbiņ rapar tipna kambca nenmo tirca neanņa kipapeknan. Na aku watrinanna, ma aina kakana kirar ņgoin. Na gan timbiņ rapar mbuņa aku nenmo Raraņ Aetaniaca morina tipemb kirarirmo muruņa mbopna, ma ndona kakadmimo nenmo wandacrenan. Na anna aku ndo watta garacrina, anna mana kakadmai ņgoin, aintik aku nenmo mbopca mawaracek. Na aku nena nikinik iroara mo ņgepca, ne an mbuņa witik gagrana.

¹³ Na an Babilonna Iesusna ritipaikta meikramtairta tumbuna anna Raraņ Aetaniaca nenap larapacatnanna, mina nemo ra laņ neaņrinan. Na aukna nuoc Mak, ma toco nemo ra laņ neaņrinan.*

¹⁴ Na ne muruņcamiņa kabena ripacrena laiplacarmo pipopotac te, anna wandacnandet,

5:12 Up 15.22, na 15.40, na 2 Ko 1.19, na 1 Te 1.1, na Ib 13.22, na 2 Pi 1.12 **5:13** Up 12.12, na 12.25, na 13.13, na 15.37-39, na Kol

4.10, na 2 Ti 4.11, na Pm 1.24 * **5:13** Na Pita Babilon auņna kam ndoprinanna, anna ma Rom auņ aniacna kam roor ndopatna, aintik ma an auņna imo acatna. Na anna gaind, Pitana minna Romnaņgepca mina Raraņ Aetaniacna meikramtairmo, ainta tipemb ņgorikca morena, atua Babilonnaņgepca ainta tipemb kirarira minmo morina. **5:14** Ro 16.16, na 1 Ko 16.20, na Epe 6.23

ne minmo mamatji ngoin, na ne minmo iroar inkara lain neanrena.

Na ne Karaisap mik te, nena iroar inkara wewettar laingap eacnandet.

**Raraŋ Aetaniacna Kam Wembaŋ Lan
New Testament in Mborena Kam language
Nupela Testamen long tokples Mborena Kam long
Niugini**

copyright © 2016 Pioneer Bible Translators

Language: Borei

Translation by: Pioneer Bible Translators

© Pioneer Bible Translators Association of Papua New Guinea, Inc.; © Pioneer Bible Translators of Dallas, Texas, USA

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

PDF generated using Haiola and XeLaTeX on 18 Apr 2025 from source files dated 29 Jan 2022

8e1073ed-d2dc-5f3a-bb48-5406185123a7